

Oqaluuserisassanut nassuiaat.

(Inatsisartut Siulittaasoqarfiat)

Siumut kissaateqarpoq imm. 73-ip, UPA12 nallertinnagu Naalackersuisoqarfiit suleqatigiillutik inuussutissarsiornermut inatsit siunertaanngitsumik isertortumik akunnermiliuttoqarsinnaanngortitsilluni (stråmandsvirk-somhed) Kalaallit Nunaanniit aningaasanik annissuinissaq siunertaralugu nalorninarsinnaasumillu aningaasannanniarluni transfer pricing atorlugu periarfissiinersoq misissoqqullugu, tassunga ilanngullugu piginneqatigiissutinik tuniniaaneq atornagu aningaasaatillillu aningaasanik attartorfigalugit aningaasaliineq atorneqarnersoq pillugu Naalackersuisut inuussutissarsiummik ingerlataqarneq pillugu inatsisartut inatsisaanni allannngortitsinissaq siunertaralugu suliaqaqqullugit peqquneqarnissaannik Inatsisartut aalajangiiffigisassaattut siunnersuutip, ullumi ataatsimiinnermiit sapaatip akunnerata tullianut kinguartinneqarnissaanik. Maanna siunnersuutigineqarpoq marsip ulluisa 23-ianni siullermeerneqariarluni apriliip ulluisa 13-ianni aappassaaneerneqassasoq,

Peqqissutsimut Ataatsimiititaliaq kissaateqarpoq imm. 35-ip, Naalackersuisut siulersuisunut, sinniisoqarfinnut imaluunnit assigisaannik ataatsimoortumik siuttoqarfinnut ilaasortanik toqqaanerminni arnat angutillu naligiissinnissaat siunertaralugu Arnat Angutillu Naligiissitaanissaat pillugu Inatsisartut inatsisaata nr. 7, 11. april 2003-meersup allannngortinneqarnissaa pillugu Naalackersuisut peqquneqarnissaannik Inatsisartut aalajangiiffigisassaattut siunnersuutip, aappassaaneerneqarnissaa marsip ulluisa 24-iannit ukioq manna ukiakkut ataatsimiinnissamut UKA11-mut kinguartinneqassasoq.

Naalackersuisut imm. 29, uunga siunnersuut: Qimmit qimuttut kiisalu qimmeqarneq qitsuuteqarnerlu pillugit inatsisartut inatsisaata allannngortinneqarneranik Inatsisartut inatsisaat nr. xx, uu. qqqq 2011-meersoq, oqaluuserisassanit tunuartippaat.

Inuussutissarsiornermut Ataatsimiititaliaq kissaateqarpoq imm. 90-ip, Pisiniartarneq pillugu inatsimmi allannguutit Kalaallit Nunaannut atuutilersinneqarnissaannik peqqussummut Namminersorlutik Oqartussat oqaaseqaataat pillugu Inatsisartut aalajangiiffigisassaattut siunnersuutip, aappassaaneerneqarnissaa marsip ulluisa 23-iannit kinguartinneqassasoq, ulloq 13. april aappassaaneerneqarnissaa siunnersuutigineqarluni. Inuussutissarsiornermut Ataatsimiititaliap taamatuttaaq kissaateqarpoq imm. 39, Nunavummi Nunavimmilu oqartussaasut suleqatiginerisigut inuusuttunut 16-it 30-illu akornanni ukiullinnut "Nuna Job paarlaateqatigiinneq"-mik pilersitsinissaq pillugu Naalackersuisut peqquneqarnissaannik Inatsisartut aalajangiiffigisassaattut siunnersuut, marsip ulluisa 23-ianniit ukiakkut ataatsimiinnissamut UKA2011-mut kinguartinneqassasoq.